

**www.e-rara.ch**

**Officia propria sanctorum quorundam ex proprio tam Constantiensi,  
quam etiam Monasterij S. Galli**

**Rudolphi, Joseph <<von>>**

**Typis ejusdem Monasterij S. Galli, Anno M.DCC.XXIII. [1723]**

**Stiftsbibliothek St. Gallen**

Persistent Link: <https://doi.org/10.3931/e-rara-130371>

Festa Februarij.

---

**www.e-rara.ch**

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

---

**Nutzungsbedingungen** Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

**Terms of Use** This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

**Conditions d'utilisation** Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

**Condizioni di utilizzo** Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

ne recreabatur. Senio tandem confectus, de imminente morte certior factus, in morbum incidit, sanctisque refectus Sacramentis, fratres suos ad Charitatem erga captivos cohortatus, & psalmum, Confitebor tibi Domine in toto corde meo, devotissimè recitans, ad illa verba, Redemptionem misit Dominus populo suo, spiritum Deo reddidit, mediâ nocte Vigiliæ Nativitatis Domini, anno millesimo ducentesimo quinquagesimo-sexto. Cujus festivitatem Alexander Septimus die trigesimâ primâ Januarij celebrari præcepit.

*R.* Iste homo perfecit omnia, quæ locutus est ei Deus, & dixit ad eum: ingredi in requiem meam: \* Quia te vidi justum coram me ex omnibus gentibus. *V.* Iste est, qui contempsit vitam mundi, & pervenit ad cœlestia regna. *Quia. Gloria. Quia.*

*In tertio Nocturno.*

*Homilia venerabilis Bedæ Presbyteri in Evangelium. Nolite timere pusillus grex. De Communi Conf. non Pont.*

*Missæ. Justus ut palma. De Communi Conf. non Pont. Oratio prima, ut supra. Evang. Nolite timere pusillus grex.*

## FESTA FEBRUARIJ.

*DIE V. FEBRUARII.*

*In Festo S. AGATHÆ Virg. & Mart. duplex.*

*Omnia ut in Proprio Sanctorum.*

## DIE VII. FEBRUARII.

In Festo S. ROMUALDI Abbatis. Duplex.

In Hymn. Iste Confessor, dicitur. Hâc die  
latus meruit supremos Laudis-honores.

Oratio.

**I**ntercessio nos, quæsumus Domine: beati  
Romualdi Abbatis commendet: ut quod no-  
stris meritis non valeamus, ejus patrocinio  
assequamur. Per Dominum.

In primo Nocturno. Lectiones de Scriptura oc-  
currente.

Si verò venerit in Quadragesima leguntur Lectiones  
de libro Ecclesiastici. Beatus vir. Ut in Communi Con-  
fess. non Pontif. secundo loco.

In secundo Nocturno. Lectio IV.

**R**omualdus Ravennæ, Sergio patre nobili  
genere natus, adolescens in propinquum  
monasterium Classense pœnitentiæ causa seces-  
sit: ubi religiosi hominis sermone ad pietatis  
studium vehementiùs incensus, viso etiam  
semel & iterùm per noctem in Ecclesia beato  
Apollinari, quod Dei servus illi futurum pro-  
miserat, Monachus efficitur. Mox ad Mari-  
num, vitæ sanctitate ac severiore disciplina in  
finibus Venetorum eo tempore celebrem, se-  
contulit, ut ad arctam, & sublimem perfectio-  
nis viam eo magistro ac duce uteretur.

*R.* Honestum fecit illum Dominus, & custodivit eum ab inimicis, & à seductoribus tutavit illum: \* Et dedit illi claritatem æternam. *V.* Justum deduxit Dominus per vias rectas, & ostendit illi regnum Dei. Et dedit.

Lectio V.

**M**ultis satanæ insidiis, & hominum invidia oppugnatus, tantò humilior se assiduè jejuniis & orationibus exercebat, & rerum cœlestium meditatione vim lacrymarum profundens, fruebatur: vultu tamen aded læto semper erat, ut intuentes exhilararet. Magno apud Principes & Reges in honore fuit: multique ejus consilio, mundi illecebris abjectis, solitudinem petierunt. Martyrii quoque cupiditate esagravit, cujus causa dum in Pannoniam proficiscitur, morbo quo afflictabatur cùm progrediretur, levabatur cùm recederet, reverti cogitur.

*R.* Amavit eum Dominus, & ornavit eum: stolam gloriæ induit eum: \* Et ad portas paradisi coronavit eum. *V.* Induit eum Dominus lorica fidei, & ornavit eum. Et ad.

Lectio VI.

**I**N vita, & post mortem miraculis clarus, spiritu etiam prophetiæ non caruit. Scalam à terra cœlum perringentem, in similitudinem Jacob Patriarchæ, per quam homines in veste candida ascendebant & descendebant, per visum

Conspexit, eoque Camaldulenses monachus, quorum instituti auctor fuit, designari mirabiliter agnovit. Denique cum annos centum & viginti ageret, & centum ipsos in dura vitæ asperitate Deo servisset, ad eum migravit anno salutis millesimo, vigesimo, septimo. Ejus corpus quinquennio postquam sepultum fuerat, integrum repertum, Fabriani in Ecclesia sui Ordinis honori ficè conditum est.

*R.* Iste homo perfecit omnia, quæ locutus est ei Deus, & dixit ad eum: Ingredere in requiem meam: \* Quia te vidi justum coram me ex omnibus Gentibus. *V.* Iste est, qui contempsit vitam mundi, & pervenit ad cælestia regna. *Quia.* Gloria Patri. *Quia.*

In tertio Nocturno. Homil. in Evang. Ecce nos reliquimus. Ut in Communi Abbatum.

Vesperæ à Capitulo de sequenti, commemoratio præcedentis.

DIE VIII. FEBRUARII.

In Festo S. JOHANNIS de Matha. Confessor. Duplex.

Omnia de Communi Confessoris non Pontificis, præter ea quæ sequuntur.

In Hymn. Iste Confessor, dicatur. Hac die lætus meruit supremos Laudis honores.

Oratio.

**D**Eus, qui per sanctum Joannem de Matha Ordinem sanctissimæ Trinitatis ad redimendum de potestate Saracenum captivos cælitus

celitus instituire dignatus es : præsta quæsumus ; ut ejus suffragantibus meritis , à captivitate corporis, & animæ, te adjuvante liberemur. Per Dominum.

*Deinde fit comm. S. Romualdi, Ant.* Hic vir despiciens.

*V.* Justum deduxit Dominus. *Oratio.* Intercessio. *Ut supra.*

*In primo Nocturno. Læctiones de Scriptura occurrente. In Quadr. verò, Læctiones. Beatus vir. De Communi Confessor. no Pontif. secundo loco.*

*In secundo Nocturno. Læctio IV.*

**J**Oannes de Matha, Ordinis sanctissimæ Trinitatis redemptionis captivorum institutor, Falcone in Provincia natus est, parentibus pietate, & nobilitate conspicuis. Studiorum causa Aquas Sextias, mox Parisi os profectus, confectoque Theologiæ curriculo, Magisterii lauream adeptus, doctrinæ, & virtutum splendore enituit. Quibus motus Parisiensis Antistes ad sacrum Presbyteratus ordinem præ humilitate reluctantem promovit, eo consilio, ut in ea Civitate commorans, sapientiâ, & moribus studiose juventuti præluceret. Cùm autem in sacello ejusdem Episcopi, ipso cum aliis adstante, primum Deo sacrum offerret, cœlesti favore meruit recreari. Nam Angelus candida, & fulgenti veste indutus, cui in pectore Crux rubei, & cærulei coloris assuta erat, brachiis

cancellatis, & super duos captivos ad latera positos, Christianum unum, alterum Maurum, extensis apparuit. Qua visione in extasim raptus, intellexit protinus vir Dei, se ad redimendos ab Infidelibus captivos destinari.

*R. Honestum fecit illum Dominus, & custodivit eum ab inimicis, & à seductoribus tutavit illum: \* Et dedit illi claritatem æternam. V. Justum deduxit Dominus per vias rectas, & ostendit illi regnum Dei. Et dedit.*

*Lectio V.*

**Q**Uò verò maturiùs in re tanti momenti procederet, in solitudinem secessit, ibique divino nutu factum est, ut Felicem Valesium in ipsa Erema jam multis annis degentem reperit, cum quo inita societate, se per triennium in oratione, & contemplatione, omniumque virtutum studio exercuit. Contigit autem, ut dum secum de rebus divinis prope fontem colloquerentur, cervus ad eos accesserit, Crucem inter cornua gerens, rubei & cærulei coloris. Cùmque Felix ob rei novitatem mirareretur, narravit ei Joannes visionem in prima Missa habitam, & exinde ferventiùs orationi incumbentes, ter in somnis admoniti, Romam proficisci decreverunt, ut à summo Pontifice novi Ordinis pro redimendis captivis institutionem impetrarent. Electus fuerat eo tempore Innocentius tertius, qui illis benignè acceptis, dum  
secum

secum de re proposita deliberat, in festo sanctæ Agnetis secundò, Laterani intra Missarum solemnia ad sacra Hostia elevationem, Angelus ei candida veste, cruce bicolori, spe ie redimendis captivos apparuit. Quo viso Pontifex Institutum approbavit, & novum Ordinem sanctissimæ Trinitatis redemptionis captivorum vocari iussit, ejusque Professoribus albas vestes cum Cruce rubei, & carulei coloris præbuit.

*Ps. Amavit eum Dominus, & ornavit eum: gloriam gloriæ induit eum: \* Et ad portas paradisi coronavit eum. Ps. Induit eum Dominus lorica fidei, & ornavit eum. Et ad portas.*

#### Lectio VI.

**S**ic stabilito Ordine, sancti Fundatores in Galiliam redierunt; primoque Cœnobio Cervi Frigidi in Dicecesi Meldensi constructo, ad ejus regimen Felix remansit, & Joannes Romam cum aliquot sociis reversus est, ubi Innocentius domum, Ecclesiam, & hospitale sancti Thomæ de Formis in Monte Cœlio eis donavit, cum mulcis redditibus, & possessionibus. Datis quoque litteris ad Miramolinum Regem Marrachii, opus redemptionis felici auspicio inchoatum fuit. Tum ad Hispanias sub jugo Saracenorum magna ex parte oppressas Joannes profectus est, Regum que, principum, atque aliorum

aliorum fidelium animos ad captivorum, & pauperum commiserationem commovit. Monasteria edificavit, hospitalia erexit, magnoque lucro animarum plures captivos redemit. Romam tandem reversus, sanctisque operibus incumbens, assiduis laboribus attritus, & morbo confectus, ardentissimo Dei, & proximi amore exæstuans, ad extremum devenit. Quare fratribus convocatis, eisque ad opus redemptionis cœliquis præmonstratum efficaciter cohortatis, obdormivit in Dño sexto decimo Kalendas Januarii anno salutis millesimo ducentesimo decimo tertio, ejusque corpus in ipsa Ecclesia sancti Thomæ de Formis condigno honore tumulatum fuit.

*R.* *Iste homo perfecit omnia, qua locutus est ei Deus, & dixit ad eum: ingredi in requiem meam; \* Quia te vidi justum coram me ex omnibus gentibus. V.* *Iste est, qui contempsit vitam mundi, & pervenit ad cœlestia regna. Quia. Gloria. Quia.*

*In tertio Nocturno.*

*Homilia S. GREGORII Papæ in Evangelium. Sine lumbi. Ut in Communi Consue. non Pontif.*

**DIÉ IX. FEBRUARII.**

*In Festo S. APOLLONIÆ Virg. & Mart. duplex. Omnia de Communi Virginum, præter ea, qua hic habentur specialia. Oratio. Deus qui inter cætera. de Communi Virginum.*

In primo Nocturno leguntur Lectiones de Scriptura occurrente. Si verò venerit in Quadragesima, dicuntur Lectiones de libro Ecclesiastici, Confitebor. de Communi Virginum Martyrum.

In secundo Nocturno. Lectio IV. propria, Apollonia Virgo Alexandria. ut in Breviario. Reliquæ de Sermone S. Ambrosij Episcopi. Quoniam hodie. de Communi Virginum.

In tertio Nocturno. Homilia in Evangelium. Simile erit regnum Cælorum decem Virginibus. de Communi Virginum. In Quadragesima, Lectio IX. de Homilia feriæ, & commem. ejusdem.

DIE XIV. FEBRUARII.

## IN FESTO S. VALENTINI.

Episcopi & Martyris duplex.

Omnia de communi unius Martyris, & Pontif. Oratio. Infirmi-  
tatem nostram.

In primo Nocturno Lectiones de actibus Apostolorum. à Mileto Paulus &c.

In Secundo Nocturno Lectiones de Sermone S. Augustini. Triumphalis beati Martyris Valentini dies &c.

In tertio Nocturno, Homilia. Si quis veniad me. de communi unius Martyris

Nona Lectio dicitur de Homilia feriæ, Si celebretur in quadragesimâ.

In laudibus fit commemoratio S. Valentini presbyteri & Martyris, cum antiphona. Iste Sanctus.

✱. Glo.

✠. Gloriâ & honore. Oratio. ut in Breviario.  
In Secundis Vesp. commen. S. S. Faustini & Jovis  
sæ Mart.

## FESTA MARTII.

DIE IV. MARTII.

S. CASIMIRI Confess. Semiduplex. Omnia  
de Communi Confess. non Pontif. præter ea, quæ hic  
sunt propria.

Oratio.

**D**EUS, qui inter Regales delicias, & mundi  
illecebras, sanctum Casimirum virtute  
constantia roborasti: quæsumus; ut ejus in-  
tercessione fideles tui terrena despiciant, & ad  
cœlestia semper aspirent. Per Dominum.

In primo Nocturno, si venerit in Quadrages. Lectio-  
nes. Justus si morte præoccupatus fuerit. De  
Communi Conf. non Pont, aliàs de Scriptura occurrente.

In secundo Nocturno. Lectio IV.

**C**Asimitus, patre Casimiro, matre Elisabe-  
thâ Austriacâ, Poloniae regibus ortus, à  
pueritia sub optimis magistris, pietate & bonis  
artibus instructus, juveniles artus aspero do-  
mabat cilicio, & assiduis extenuabat jejuniis.  
Regij spretâ lecti mollitie, durâ cubabat hu-  
mo, & clam intempestâ nocte, præ foribus  
templorum pronus in terra divinam exora-  
bat clementiam. In Christi contemplanda